

國

朝

詞

綜

國朝詞綜卷四十一

青浦王昶纂

吳省欽 八首

張熙純 十五首

胡奕勲 二首

金兆燕 二首

汪孟錫 一首

陸王任 一首

陳嵇 七首

曹自鎔 一首

汪啟淑 一首

陶元臻 五首

邵玘 二首

邵炎 一首

諸廷槐 二首

王方恒 一首

朱景輔 一首

吳省欽

字冲之號白華南匯人乾隆二十四年召試賜內閣中書二十八年進士官至左都

御史

臺城路

山塘舟中

白公隄畔春如海吳娘畫船挨遍鬢影雲交粉香風遞  
第一盈盈嬌面芳心自軟况桃葉桃根隔舟相見欲卻  
還前殢人無語掩歌扇橫波搖共燭影想故人天末  
淚痕紅濺綺席傳觴翠羅投帕偏是馬卿遊勸囊琴匣  
硯笑繡被堆來更誰同薦情話叢殘綠楊風絮轉

摸魚子

滬城過趙璞雨不直

白蓮涇趁潮斜翦短篷低挂帆布相思偏是遲相見輸

與鷺羣鷗侶雲影暮聽嫋嫋秋風不暖垂楊樹荒邨古  
戍記竝轡尋春聯禁敲月零落似萍絮盈樽酒何必  
旗亭客路腰支吟瘦幾許紫萸黃菊登高會烏帽訪君  
何處君莫訴問滾滾江流流否離愁去蘆汀荻渚祇漁  
板涼天櫂歌深夜篷底暝烟雨

憶蘿月

鑪薰被暖好夢和春短夢又不來人又遠月上梨花小  
院更更漏沈沈無眠低枕橫琴纔是瞢騰倚睡牕  
前蚤喚山禽

南浦

春水次王田韻

新漲淥盈盈半窗開彷彿湘流清曉鴨綠趁鶯黃陰陰  
影消受柳梢勻埽天光不定縠紋剛縞東風小南浦銷  
魂人去也愁煞滿隄芳草 憐渠纔送輕漸泛春三二  
月殘紅不了疎雨又絲絲烟波裏勾引畫船撐到天涯  
渺渺錦帆消息而今悄重檢曹衣痕百褶勻蘸碧羅多  
少

摸魚子

江舟寄題張氏飛鴻堂

買芳園竹蒼梧碧宜陰宜霽宜雨涼波指點繩橋外擎  
出蕩花無數人試度一片片沙禽驚起飛還住牽舟慢  
許愛穩稱裝書還宜把釣生計未遲暮 鷺塵底有幾

蔬畦藥圃風流遜與張翥敲碁賭酒尋常事消遣膽孌  
歌舞琴自撫望冥冥孤鴻秋影遙天去江州客路念寂  
歷琵琶叢殘蘆竹錯了六州鑄

臺城路

施耦堂豆棚閑話圖

水邨不斷濃雲朶陰陰幾層高柳碧瀉彎流綠沈叉路  
種得半畦山豆孤棚結就漸扶起春苗暗遮圓牖翦翦  
疎風泥他鰲腳坐移酉夕陽坐看移影想雕龍說虎  
剔遍談藪鬥酒湖檣品茶市幔無此井鄰谿耦閒情慢  
剖惹絡架青蟲半黏襟袖淺淡花邊一痕涼露逗

玲瓏玉

儉堂接葉亭丁香花下

丁子梢梢小名喚雅配辛夷南人見少怪他團雪枝枝  
幾樹凹深凸淺把芳寮如綺籠徧晴絲相宜敲紅牙傾  
倒翠卮 不分羞簪吟鬢有頽然翁醉橫潑險麋翦幅  
銀光映階前一様參差今年歡場依舊怕亭長新巢定  
了也負花期更添畫曲闌邊驗影竝移

埽花游

儉堂於成都重葺楊升庵故居櫻桃盛花  
同人集飲分賦

江梅怨笛又換了花風散花深處朱櫻萼吐算三桃信  
息者番迷誤香玉雕成試把春梢穩護拂檐去認絡索  
禮枝似名樊素 林暖鶯試乳莫喚賣山城折殘沙路  
嫣然一顧記新翻樂府有人嘲汝被酒朦朧祇道梨雲

壓樹小延竚滿筠籠嫩紅無數

張熙純

字策時號少華上海人乾隆二十七年舉人  
三十年召試賜內閣中書有集華閣詞

卷二

朱吉人云少華襟情爽颯而填詞又極纏綿  
故以韻勝也外有香奩一卷惜爲人假手不  
能傳播藝林

惜餘春

送春

蝶外飄花鶯邊零雨是處穠華都盡瓊  
窗夢翠幄留雲提訴別懷爭忍今夜無眠  
共君遙聽鐘殘不堪風緊看嫣紅如許啼  
痕猶染襪塵難認還暗省團扇招香疎  
簾通燕隱約歡遊曾趁愁聞杜宇怕對將  
離只有綠



烟凝恨長日閒庭悄然空倚清尊誰傳芳訊想桃門深  
鎖銷魂前度舊情休問

南浦

沙斗初春江雨汎圓

新綠長魚苗漾寒潮點點飛花飛絮南浦碧雲低東風  
軟又送幾番疎雨沉沉望極採香誰到銀塘路最惜芳  
洲春漸老寂寞碧桃千樹何人雙槳凌波倚孤篷乍  
聽烟中人語鷗鷺共忘機關情遠還逐亂紅流處獨憐  
倦旅懷君杜若空延佇何日扁舟同載酒吟遍芷汀蘭  
渚

天香

淡巴菰

芳訝熏蘭溫疑炙麝牙  
簫縷縷香噴曾采忘憂更憐服  
媚底事遜伊清韻何堪忍俊看小醉已添微暈縹緲吟  
情正遠明霞幾番徐引  
羅囊漫愁易盡望瓊沙翠雲  
連吟試摘早春細葉露芽同嫩最憶甘回舌本便一片  
氤氲六窻潤無限相思夢闌酒困

黃庭經六窻烟分注六窻肝也

祝英臺近

同述庵蘋花水閣聽雨和竹嶼作

竹聲喧蓮漏杳螢火點遙暝白社閑經暗雨滴苔徑正  
看簾影迷濛簷花零落十年夢燈前重省  
綺牕迥還  
又酒渴三更潺潺滿清聽忽憶空山飛瀑瀉雲磴最愁  
翠蓋珠傾紅泉玉漱漸飄盡風荷千柄

百宜嬌

山塘微步有見

草襯柔茵柳垂深幕閑趁翠堤游衍波影搖晴煙光弄  
暖脉脉芳情誰遣命儔嘯侶早目送飛瓊游伴儘盈盈  
悄立風前鬢雲偏障統扇 凌波步穿花緩緩只隔小  
紅橋便如天遠遮莫無愁不應有恨何事雙蛾顰淺鈿  
車去也但約畧嬌鶯低喚擾吟魂倚遍斜陽欲歸猶懶  
鎖窗寒 園居對雨

柳幕藏鶯花房隱蝶碧陰籠院林柯潤雨是處綠酣紅  
泣漾輕舟垂楊畫橋縠紋輕漲銀塘滿憶越溪前度孤  
篷搖夜不勝清怨 折簡呼吟伴試盡捲湘簾共飛翠

蓋沉沉深酌一任簷花零亂怕明朝輕暖弄晴禁烟百  
五春又晚聽呢喃訴盡新愁有樓香雙燕

南樓令

病起

深院捲簾看雨晴花滿欄恁東風猶滯餘寒葉底流鶯  
空自語能幾日又春殘上砌綠苔斑園扉鎮日閑倚  
琴尊苦憶情懽問道西郊芳草碧還料理舊吟鞍

倦尋芳

送春

絮飛翠陌花亂紅亭芳信催晚開到荼蘼幾度嫩寒輕  
暖碧水如雲環繡谷綠陰似幄遮蘭院記垂鞭過瓊樓  
十二畫簾齊捲又爭奈雨疏風軟落蕊零香魚浪吹

遠采菰人歸取次踏青情懶杜牧長吟禪榻句崔微空  
寄重門怨更何堪夢醒時曉鶯猶喚

清波引

懷西湖舊游

一重芳樹耿斜照碧雲欲暮琴尊秋墅捲簾自容與雁  
聲正搖落滿眼又驚寒序等閑開到芙蓉倦遊客渾無  
緒西冷小住綺筵畔曾賦秀句舊歡頓阻夢雲杳難  
度遙山渺天末空憶年時睂嫵那更重聽菱歌斷橋西  
路

堦花

登城望西山殘雪

凍雲乍解欲霽還陰露瑤岑微碧冰痕界道晶輝漾零

玉峯腰猶積冷侵吟骨強攜酒憑高望極想沉沉山北  
山南幾處尙迷樵跡還思阿曲幽人靜掩荆扉僵卧  
雲宅籬落無人算此際凍蕊疎枝誰摘閑情恁遠空自  
憶蹇驢遊歷又荒城清角吹寒澹月一丸搖白

高陽臺

題梅窻女史詞後

眉譜慵翻繡床倦倚烏絲愛擘瓊牋滴粉搓酥擬將蘭  
畹花間愁多應把吟毫遣怕吟成翻惹愁牽思綿綿乍  
瀉春泉還韻秋弦玉臺麗製人爭羨歎從來雛鳳台  
配嬌鸞却怪羣真無端催赴蓬山優曇零落珊瑚碎剩  
雕華爭忍重看最淒然風觸么絃露咽啼鵲

探春

柳是鶯嚙

金縷垂垂翠烟裊裊回首池塘綠遍曉日方籠午風徐  
拂誰向濃陰圓轉纔覺花朝近便訴與春愁無限也知  
嬌小堪憐弄晴還又相喚夢覺綠窻人倦正泊思迷  
濛愛伊睨睨水榭閑凭隱囊斜倚消却鳴爐香篆斗酒  
餘清興好音在幾回低勸老去詩人但驚芳訊催晚

瑤華

嚴東霽雪

風生絕壑葉盡高柯漸蒼巖凝素冰花弄影延眺久寒  
色低籠雲塢迷離銀海又還見遙岑微露恁幾重飛絮  
飛瓊半作畫簷冰柱初陽曉射林端看見漾晴光谷

鳥時語東風乍試早瘦了竹外寒梅幾樹凍痕盡解更  
妨却前溪樵路問何人青笠紅衫相訪白雲深處

徵招

白堤徵步

紅蘭委露蘅香歇長堤柳絲空裊一抹夕陽中聽晚蟬  
林杪西冷回望好祇可惜蓮歌聲悄步障收餘鈿車歸  
後翠烟如掃側帽偶經行牽愁處猶憶燕昏鶯曉開  
徧木芙蓉嘆秋容漸老窺簾人杳杳定未覺杜郎重到  
待攜酒弄月湖陰喚笛船迴棹

西子妝

蘇堤看芙蓉

柳葉陰疎藕花香褪木末遙憐秋爽平堤斜蘊赤闌橋



細車來拒霜初放盈盈翠浪浸一片明霞蕩漾似仙姝  
把粉痕勻罷鏡奩低向呼蘭槩幾處吳娃擁楫遙凝  
望深紅淺白嬌如許倚蘭尊莫辭清賞金波又上把芳  
影描歸羅帳怕重來閑却西泠畫舫

又西溪

溪影連雲林光罨畫極望乍疑無路烏篷一葉信樵風  
沂明澗渾忘修阻灣環緩度悄驚起圓沙宿鷺碧山迴  
愛參差花港曲穿村塢耽幽趣漁弟樵兄總傍蘋洲  
住陰陰桑柘綠遮門漾炊烟漸迷香霧冰梅萬樹想紅  
萼春時初吐悔塵蹤遲向芳源問渡

胡奕勲

字力堂平湖人乾隆三十年舉人有尊業詞一卷

清平樂

秋柳

烟疎古岫張緒而今瘦莫是春風狂舞後贏得雙蛾常  
皺最憐宵雨淒淒枝頭不宿黃鸝爲怕行人折盡飄  
來都是愁絲

鳳凰臺上憶吹簫

烟鎖妝臺塵昏匳鏡蕭蕭一夜風寒悵鈿分釵斷已是  
經年回首那堪細憶停鍼繡絮語牕前淒涼是暮鶻泣  
樹孤鴈嘶烟情牽此生已歇更何問他生再結情緣  
判夢回中夜淚落衾邊任倩江郎采筆寫遺恨難盡雙

箋怎禁得穿帷素娥偏照團圓

金兆燕

字棕亭全椒人乾隆三十一年進士官揚州府教授

八歸

題述庵先生三洲漁莊

孤楓變紫疎楊剩綠磯畔穩繫片牒垂竿靜對湖光好  
休管老魚吹浪敗蘆飛雪應嘆平原輕遠適便舊舍東  
西相隔最可惜滿目秋容總付采蓴客空歎長安久  
滯鷗盟猶在夢裏烟波千疊冷雲漁屋斷霞圖步一任  
寒潮生滅但家山指點歷歷遙青九峯接歸休去可容  
添箇小小瓜皮同君閒擁楫

揚州慢

湖上餞辛楣學士入都同賓谷裕圃對琴作

殘雨迎秋斷虹收  
暝綠楊一片城西倩湘靈妙詠寫遠  
黛峯齊美書畫扁舟到處酒人詞客襟袖爭題奈沙鷗  
涼夢今宵偏隔前溪  
俊遊舊侶憶當年樽酒同攜悵  
盡日重尋紗籠粉堵塵蹟都迷此後玉堂清夜應還念  
茆舍疎籬怎簫聲聽罷停觴旋更歌驪

汪孟錫

字康古秀水人乾隆二十七年召試賜  
內閣中書三十一年進士官吏部主事有語

水詞

曲遊春

鮑亭招同踏春郊外以雨不果晚命酒小酌

帝里春如海問惜惜門巷春到何處酒旆茶帘引東風  
吹綠連天無路冉冉斜陽暮怕明日尋春春去數遊車

齊轉天壇釀出一城酥雨 喚侶壺觴誰主快美醞頻  
傾高唱交吐莫說江南正清明上冢斷腸兒女孤艇空  
橫渡筭千里青袍應誤只辦醉月題花間情再賦

陸王任

字二柳吳縣人監生官簡  
州知州有借石倚聲一卷

齊天樂

蜉

縈泥唱起花間垤雍門最憐韓女飲罷黃泉吟餘白雪  
剛歇小庭疎雨非鱗非羽嘆辱在泥塗發聲清苦一徑  
籠煙過雲高唱孰憐女 儂音知合舊譜十香人聽月  
催按腰鼓牡蠣牆邊羅裙匝地好把衷情相訴微風細  
度喚小玉尋秋滿身花露漏下無人玉階秋意古

陳

嵇

字元山錢唐人乾隆三十年卒人有壺春詞一卷

真珠簾

九日雨中泛舟孤山訪李道士不值

扁舟自載黃花酒倚西風却被汀鷗驚瘦袖拂水雲邊  
認亭欹衰柳幾日不來秋色換悵戶掩殘爐依舊知否  
前度劉郎尋詩來又試問鶴借逋仙便江樓吹笛問  
誰招手俛仰百年中醉幾番重九細看萸囊成一笑笑  
夢裏羽衣何有迴首待蘚徑扶筇早梅時候

春從天上來

辛丑燈宵

把酒沈吟記星橋橋外親見遺簪官袖藏香繡簾吹笛  
春色偏惹題襟人在踏歌聲裏渾不省壺箭沉沉到如

今任滿階明月總不關心 橫琴小樓燭炮算只有梅  
花是我知音無奈東風又慳芳信隔林好夢難尋幾處  
戲嬰庭院燈疎淡簾影深深理重衾怕新年詩髻一霎  
愁侵

百字令

霜鐘

隔林蕭寺正蓮花漏盡一聲初動樓外風光疎影斷留  
住人間殘夢孤雁號更老蟬耐冷幾杵穿雲重蕙爐猶  
煖忍教眠對深甕 迴憶楓岸移舟燈昏漁舍十里愁  
中送暗葉敲牕欹枕穩莫問三生誰共消盡閒情添些  
華髮起把陶琴弄老僧知未景陽宮井曾凍

淒涼犯

星期暗數銀灣冷芳華自此流去紅薇院好舊時燕子  
別家簾戶遙峯翠吐似羞學徐娘淚嫵問破窗芭蕉多  
少寫得斷腸句漫溯嬌癡日玉鏡妝梅銀牋詠絮香  
羅袖底也曾摹鳳臺簫譜春夢無憑却化作天涯暮雨  
倚高樓明月萬里叫杜宇

西子妝

好夢如春好春如夢待與箇人分判一年心事賣花聲  
最消魂樓高天遠遊絲自懶又何苦東風拘管燕子來  
時問幾家簾下幾家簾捲瓊簫斷半榻芸籤忍把流



光換畫闌一帶碧無情是年時聽鸛池館冶遊醉伴也  
休要壚頭驚喚過清明庭樹無人翠滿

望湘人

厲樊榭徵君城東禪記二卷乃門人村舍手鈔書法秀勁展玩如新余嘉其好古之篤而深痛其短年也因作此詞弔之高唱秋墳庶幾破涕爲笑乎

正秋聲滿耳秋氣滿懷短檠昏似書眼蠹走芸籤辭封  
湘管忍把銀鈎重玩菜占東門竹荒西嶺啼鵲何限記  
那年收入巾箱半是錦囊詩卷誰道霜欺楚晚悵亭  
前載酒酒醒人遠問眉月池塘近日戲鵝誰換文章信  
美雲煙須散舊怨難消新怨還又惹東郭先生淚灑西  
風千點

滿江紅

寒食夜題吳穀人有正味齋琴言

風到桐枝又散作半簾香雨芳草外綠煙千里角聲催  
暮狼藉燭花猶有淚惺忪燕子渾無語笑今年折柳倍  
關情蕢洲譜門閉也傾薇露香燼也添蘭炷把梅溪  
喚起問誰千古短鬢不禁寒食夜斷魂又逐風流可怕  
雙鬟賺我趲梨花旗亭去

曹自鎰

字忍庵歙縣人監生官戶部員外

邁陂塘

題三泖漁莊圖

漾粼粼微風吹縐空明百頃如練結蘆溪畔同煙艇繫  
住垂楊弱線安几硯愛靜著叢書永晝拈筠管斜陽弄

晚對幾點螺痕一行雁字倚檻豁雙眼 垂綸手卅載  
京華游衍更教滇蜀遊遍籌邊草檄勛名重萬里功成  
初返麟閣顯鎮未許閒身自乞歸蕭散舊圖重展指蘆  
荻蕭蕭漁舟箇箇幽興正無限

汪啟淑

字慎儀號秀峯歙縣人監生  
官戶部郎中有蕭雅詞一卷

蝶戀花

榆錢

子母羣飛凝碧露燕募鶯收綠繞花深處侵曉苔階拋  
幾許沈郎愁向城南去 借取游絲指作縷破悶穿成  
買斷春歸路姹女風前空自數春光畢竟難爲主

陶元溱

字篁村會稽人貢  
生有香影詞四卷

雨中花

送戴玉洲之金陵

垂楊綠遍河橋路  
恁長條挽舟不住  
六幅蒲帆半囊襍  
被已在雁聲底處  
雙魚倘尾行人去  
休忘却西陵雲  
樹離夢迢迢情懷脉脉  
一片秣陵烟雨

夜行船

山莊秋夜

過話漁樵歸去矣  
聽招提晚鐘乍起  
零露溥溥飛螢箇  
箇一碧天光如水  
舊宿寒鴉猶未徙  
印寒泉塵襟快  
洗待到宵深月高風定  
夢在木樨香裏

采桑子

桐廬舟中

浮家不畏風兼浪  
纔罷炊烟又裊茶烟  
閒對沙鷗枕手

眠晚來人靜禽魚聚月上江邊纜繫灘邊山影松聲  
共一船

城頭月

螢

蕪城萬箇何年聚零落猶如許臨水瓜棚倚墻花架薄  
暮常相遇畫樓高處因風舉錯認飛星度繞罷井闌  
撲殘羅扇還坐人衣去

臨江仙

同李姬桂芬泛舟湖上

一棹段家橋外去白髮對紅顏船窗同看水雲閒軟玻  
璃內倒映夕陽山皎潔水輪湖岸起清光十倍山間  
山齋燈火莫招還有情天好忍舍蓼花灣

邵

玘

字珏廷青浦人貢生  
有花韻館詞七卷

更漏子

半含桃初綻柳正是可憐時候纔見面已知心春情忒  
不禁 畫闌邊妝閣畔好箇深深庭院花匝月朦朧  
衣香葉葉風

浣溪沙

秋閨

策策初飄金井桐西風依約到簾櫳晚妝情態儘春容  
鬟濕露華雲細膩裙扶花影月朦朧小闌干外閨秋

蟲

邵

爰

字珉高號玉葉  
青浦人諸生

洞仙歌

爲王述庵題青溪小像

揚州烟月問誰偕  
玉潤獨倚屏山理吟鬢  
記梅邊蠟屐  
竹下彈碁閑風韻不減謝郎劉尹  
西園花盡也藥影  
茶香偏向芳時易愁損  
幾摺柳絲風暈碧羅衫  
應難禁  
春寒成陣正暮雨瀟瀟唱吳娘  
好膩了紅牋搓酥滴粉  
諸廷槐

字殿掄嘉定人貢  
生有蝶庵詞一卷

踏莎行

淡日陰陰輕寒翦翦  
芳郊草色和烟遠  
澀苔侵徧舊迴廊  
鸚籠玉鎖都停喚  
垂柳闌干無人庭院  
倚簾吹弄楊花轉  
海棠枝上欲黃昏  
濛濛細雨雙歸燕

探芳信

川弁陽老人韻

卧春晝正一枕銀屏未消宿酒甚題紅人杳關情尙如  
舊重門深鎖空庭雨滿地梨花瘦靜陰陰翠冷筠簾綠  
深苔鬢 窗外晚風驟歎花落隨流雲飄離岫芳草江  
南能禁斷腸否寶釵樓上闌干曲莫去閒搔首近黃昏  
烟縷絲絲舞柳

王方恒

字元成嘉興人  
有亦是山人詞

惜餘春

送春

燕子愁紅鶯雛學語一霎催教春老心隨豔景目送香  
塵孤負滿隄芳草拚得今宵夜闌秉燭追遊也嫌遲了



恨河橋楊柳遮留無計碧絲空裊  
還記得前度笙歌  
蘭橈停處宛遇錢塘蘇小韶華暗換別緒頻牽那管倚  
闌人悄漫說楊州倦遊薄倖蕭郎青樓夢杳怕東君歸  
後烟花南陌更無人到

朱景輔

字小山江南華亭人  
諸生有寄雲詞一卷

憶秦娥

雞聲杳紅樓夢斷春將曉春將曉桃腮杏靨那人嬌小  
東風燕子雙飛好睂梢著得愁多少愁多少聚花簾  
捲鴨爐香裊

國朝詞綜卷四十一

國朝詞綜卷四十二

青浦王昶集

林蕃鍾 二十一首

沈起鳳 十首

汪煥 二首

張埴 一首

程晉芳 一首

孔繼涵 一首

施燾 一首

蔣元龍 一首

高文照 一首

吳蘭庭 一首

汪如藻 一首

林蕃鍾 字毓奇號蠡槎吳縣人乾隆三十三年舉人官華亭縣教諭有蘭葉詞一卷

沈桐威云蠡槎有精選南宋四家詞以石帚玉田爲宗而旁及于草窗梅溪故鍊句研詞

自能超越凡近

小重山令

朱欄幾曲碧雲端  
珮環愁獨倚響珊珊  
曉屏對雨過春  
寒人如夢飛燕落花間  
寶鏡照釵鈿黛痕初遠  
碧映春山微吟小句墨花殘  
臨風展香氣冷瑤牋

菩薩蠻

幾聲蓮漏花邊度  
柳梢月轉東廂去  
曉色破燈痕  
繡衾殘夢溫  
梁間雙燕語  
繚繞春情緒  
睡起小粧樓倚欄  
無限愁

又 丁亥暮春抵澄江作

春風一棹天涯客  
沉沉暮靄傷行色  
遠樹欲生烟  
夕陽波上寒  
篷窗今夜永  
酒薄征衫冷  
江水送人行  
夢中柔櫓聲

鬲溪梅令

吳淞舟中記所見

紫橈載酒下吳淞  
水溶溶  
昨夜春寒吹出綠楊風  
畫橋烟雨中  
翩翩珠袖倚房櫳  
似驚鴻  
斷續疎香只在玉樓東  
隔花簾影重

清平樂

晚粧初就  
爐篆空閒  
畫冷落夕陽疎  
雨後花影一簾紅  
瘦  
低鬟無語  
盈盈畫羅涼意微生  
爲問翠陰孤蝶近

來多少春情

又

翠禽飛盡烟入疎簾暝曲曲屏山閑小景望裏江南遠  
近殘花飄落金樽樓頭暮雨黃昏一片綠陰芳草春  
歸如夢無痕

浣溪沙

檻外宵深漏點遲乳爐香繞玉罌恩柔魂消盡一燈知  
寶鏡不須臨月照玉笙曾聽隔花吹滿襟香露立多  
時

齊天樂

書朱松樊沙江采芙蓉圖卷後

疎風吹到銀塘暮依依舊時芳景望斷湘波美人甚處  
一片孤烟空冷紅渠掩映乍塵淨秋容鏡涵香影寂寞  
沙洲有人獨自繫烟艇餘馨還繞素袖晚來空自折  
時助幽興翠葉生涼紅粧易老愁入輕陰殘暝相思試  
省正小立江皋露涼人靜水調歌殘謾驚鷗夢醒

玉樓春

羅幃小障殘寒淺訴到深情鶯語軟城邊風約角聲來  
窗外月和花影轉相逢暫遣愁娥展惜別每嫌銀燭  
短今宵有酒爲君斟明日畫橋春共遠

探春慢

送陶淨荷歸杭并訂明春西湖之約同枚庵賦

潮落沙平水田岸曲新愁都入南浦草色分涼蘋香吹  
晚秋滿畫橈移處日暮鄉心急料殘夢寒飈隨去相思  
立盡河橋夕陽還在高樹長恨相如游倦奈水色山  
光佳約偏阻寶瑟聲淒古琴塵滿君去不堪重撫次第  
採芳信謾冷落故人樽俎甚日相逢一簑湖上烟雨

春霽

不果赴鄧尉探梅之約寄賈漁

玉笛聲中問幾處東風吹到江國月淡留痕雪深無影  
翠禽乍窺春色俊游未得遠峯數點凝寒碧最可惜如  
此歲華都負舊相識還望瘦影立遍溪橋尙留餘香  
閑待吟筆想空山幽人去後天寒誰與伴岑寂一片遠

情雲水隔鎮斷魂處夢到竹外沙邊冷烟應在夜深荒  
驛

珍珠簾

石湖爲白石老仙游衍地也秋夜泊舟有感而作

暮帆微覺西風勁正閑看幾處疎林殘暝秋色畫橋邊  
引十年游興柳外新蟾涼意淺早澹了碧溪雲影人靜  
愛入棹蘋香翠痕千頃重問舊日詞仙有花飛玉笛  
雪依孤艇零落翠樽空幾月圓如鏡今夜湖光留我住  
但夢與間鷗俱冷還省又隔院飄來一聲清磬

踏莎行

廢苑春闌空齋寒貯醉魂縈繞尋芳去簾波微動撲香



塵梅花開遍無人處  
舊雨難招亂雲空暮吟窗清盼  
渾無語愁心盡入畫圖中一行歸鴈瀟湘渚

瑤花 白秋海棠

塵清玉砌粉落銀墻綴晚花微白叢叢密布對素影  
鬚玉人標格澹烟過雨和一縷香絲飛出更無言自顧  
嬌姿冷浸小庭月色別離已是經年看清淚無痕深  
夜猶滴鉛華謝了凝恨處一點芳心誰識亂蛩聲裏謾  
散作滿階幽魄想露華正恁凝寒遙望素秋岑寂

倦尋芳 落梅

薄寒未散誰遣飛花吹墮芳徑斷粉零香惆悵晚風不

定流水荒村人自遠清燈紙帳魂俱冷寂淒涼又一聲  
玉笛宿醒微醒記幾處相逢籬角素月幽輝尙照殘  
影夜色閑階春事漫教重省雪意漸消芳思淡烟痕初  
化寒江暝甚相思曲欄邊有人還凭

浣溪沙

八月十九日夜過潤城

漠漠寒汀起暮愁平蕪吹綠送行舟烟波只許傍閑鷗  
帆影涼生明月夜燈痕人在隔江樓荻花風裡過殘  
秋

憶舊游

秋夜水榭閑眺暮雲飛盡仰見明月偶影  
露坐有天涯舊游之感因綴此解

正微醺乍醒暮景沈沈閑拓紗窗如此清輝好奈浸人

羅袂氣冷如霜倦來又聞砧杵幽恨那能忘漸小夜將  
闌虛庭籠白倚遍迴廊 茫茫舊游遠但月破秋痕花  
裊餘香幾處蛩聲急向暮烟叢裡猶訴淒涼試教夢魂  
尋去孤影繞滄江怕玉笛驚殘關河萬里空斷腸

綺羅香

酒帘同二柳賦

屋角遙懸林邊掩映倦客翠樽何處閃閃斜陽一帶小  
樓日暮依嫩綠楊柳新陰分餘潤杏花微雨最憐他孤  
影春寒踏靑人向那村去 鷓鴣空自典盡又是宿醒  
乍醒還添情緒省識門前待約采香儔侶似盼望驄馬  
初歸慣縈繞醉魂小駐問年時招飲當壚舊游還記否

南浦

薄霧散愁陰。愛清游、池閣霽痕初曉。殘葉下西風，芳隄外、一逕冷烟未掃。微茫遠渚，參差幾點賓鴻小。回首碧天空濶處，好景偏憐秋老。此時獨立蒼茫想，杜陵老去吟悵頻惱。有幾古今愁，凝淚眼、彈與露花霜草。蒼蒼踏遍斜川境，僻無人到。最是多情留客住，一片疎林殘照。

梅子黃時雨

江邊觀人送別愴然賦之

殘葉離亭正。臨別黯然聊共樽酒。甚解纜滄波，催人分手。一片愁痕空極浦。半江暝色迷寒岫。孤村口落葉晚

蟬尚抱疎柳 偏負歌雲舞 繡漸傷心 望到幾處亭堠  
笑我亦飄零 淚痕盈袖 涼意尙餘 花影外月明空照人  
歸後重回首 玉欄夜寒依舊

慶宮春

小梧留杭一載矣歲暮書來歸計未卜以詞寄意

天濶生寒 樓高憐晚 夕陽自隱 城堞誰念芳盟 傷心重  
訴琴絲歌罷 終闕翠樽留伴 有多少荒亭倦葉 關山何  
處斷鴈聲中 暮雲低壓 客游謫問音塵 越水吳山 頓  
成淒絕 燭暗窗深 酒疎夢遠 人對西風 離別舊時江岸  
正重待扁舟載雪 關情應有孤嶼寒梅一枝空折

沈起鳳

字桐威號蕢漁吳縣人乾隆三十三年舉人官祁門縣訓導有吹雪詞一卷

褚筠心云：桐威以度曲知名。吳中題部求得新聲，奉爲珙璧，而詞亦清新，不墮王實甫關漢卿蹊徑。

鬲溪梅令

小塼山下水溶溶，記相逢。欲採蘋花，可惜過東風。午橋烟雨濃，不如歸去夢。簾櫳小樓東，留得欄干一半月。明中夜涼花影重。

謁金門

風乍定，無數落紅滿徑。向晚疎簾寒一陣，小窗燈欲暈。何處秦臺簫韻，喚起江南離恨。夢裏玉人樓遠近，燕歸花氣冷。

菩薩蠻

小屏山外春雲晚柳絲無力東風軟花氣冷于秋畫欄  
聽雨愁樓頭沈暮靄不盡前山翠夜色動簾衣臥看  
雙燕歸

感皇恩

流水謝橋灣幾行柳色愁損江南舊相識亂雲向晚人  
在江樓吹笛欄干空倚遍天涯客舊雨情懷阻風蹤  
跡喚取佳人共游歷雲深月淡幾處瑣窗寒碧露濃花  
重也歸時節

浣溪沙

淮城夢草園余童時釣游地也別來忽忽  
二十年矣戊子之春遇芥山於白傅堤邊

作此寄意

幾度天涯夕照殘  
美人家在碧雲端  
柳邊小閣一春寒  
芳草如烟空極浦  
疎花留月共闌干  
好懷何日對江山

玉蝴蝶 攬秀亭錄別

涼意乍歸庭樹西  
風葉底說與哀蟬  
野色閉門斜陽却  
照離筵  
楚天遙亂雲如夢  
謝池曉秋草如烟  
想依然酒邊風月  
笛裏山川  
堪憐幽花謝也  
又看黃葉起舞舞樽  
前江冷丹楓勸君且  
駐木蘭船  
青衫雨今朝別淚紅橋  
月後夜閑眠怕無端  
愁縈錦瑟損盡華年



三姝媚

曉發古城忽忽有倦游之感

征衣寒未減正霜飄荒原潮平古岸游倦相如奈匆匆  
恨別離亭送遠斜月初沈秋正在曉天新雁倚遍河橋  
茸帽鞭絲客懷都嬾多少叢臺廢苑料幾處殘砧也  
停秋怨我夢江南悵謝橋柳色江花同晚如此溪山空  
喚起西風愁眼繫馬歸心散入寒鴉千點

高陽臺

日暖鶯眠烟深花醉江南愛是新晴乍剪羅衫餘寒猶  
在園亭東風莫怨紅梨謝畫樓西吹轉簫聲想幽情隔  
斷疎香幾處簾旌尋詩載酒渾無思但閑銷湘簟靜

數窗櫺小徑吹花妨他病蝶都驚夜屏依約人何處伴  
歸魂照盡寒燈夢雙憑舊日紅欄明月重生

慶春宮

露華在水明月同舟江國梅花依依入夢

波遠生烟雲低分暝荒江日暮回首木葉亭臯傷心望  
極飄零誰共樽酒斷橋霜月照江國梅花開否關山此  
夜幾處闌干露華依舊 閒庭拾蕊吹花詞客生平畧  
曾消受孤舟蕩雪疎燈夢雨歸去春衫剪後小園那樹  
倚風雪佳人翠袖如今無奈津鼓烟鐘助人清瘦

入歸

夜泊寒江感夢而作

滄波送晚平蕪吹綠客心易感秋色幾番載酒尋花後

又見戀人斜照辭條殘葉倦網漸收沙際影蕩初月一  
痕寒碧認隔岸幾點漁燈隱隱出蘆荻 多少墜紅芳  
信西風吹盡付與江天殘笛斷橋霜冷空山露下幾處  
猿聲啼出想雲低銀漢十二闌干在天末燈昏也夢魂  
尋去柳外花邊溟濛江上月

汪

煥

字筠章宜興人乾隆三十四年進士官  
崇安縣知縣有見山書屋詞鈔二卷

蝶戀花

柳眼噉烟花泣露聚碧圍紅扶得東風住一夜無情榆  
莢雨天明和淚歸南浦 春去春來年幾度芳草迷空  
遮斷行人路莫遣飛花隨絮舞天涯漠漠無尋處

摸魚兒 感舊

又重經昔年南浦驚心景物非故枇杷門掩紅闌曲記  
得箇人曾住尋舊渡但滿目膩紅柔翠閑庭戶柳絲自  
舞愁燕語分明桃花流水隔斷武陵路空延佇又釀  
一天疎雨和愁縈織烟霧蒼涼猶認懸崖樹長送征帆  
來去歌別賦君不見淶波芳草無重數離情漫與莫自  
倚江樓斷雲天外幾點雁飛處

張

埴

字商言吳縣人乾隆三十五年舉人官內閣中書有竹葉庵詞一卷

虞美人

春夜聞文

青燈凍入寒梅小歷歷箏彈妙細香東閣夢成初只怕

鳳綃鮫淚隱衾孤 孤衾隱淚鮫綃鳳怕只初成夢閣

東香細妙彈箏歷歷小梅寒入凍鐙青

程晉芳

字魚門歙縣人乾隆三十六年進士官吏部主事以校勘四庫全書改編修

菩薩蠻

題對琴詞

細梅多處安琴薦玉爐裊碧烟如綫流響雨三聲山空

秋月清 閑中編小史次第傳宮徵微意少人知譚禪

兼說詩

孔繼涵

字體主號莊谷曲阜人乾隆三十六年進士官戶部主事有斷冰詞三卷

鵲橋仙

立夏日寄瘦銅用留別韵

淒涼若此一庭花影只伴紅襟燕語者般已是嬌人心

又幾點梨花暮雨 零星柳絮蕭疎書榻都是無情伴  
侶雲門一帶碧裙腰空立盡斜陽紅處

施

燾

字象成仁和人乾隆三十年舉人官天台縣教諭

踏莎行

匝地新紅遶城濃碧風風雨雨催寒食一年花事只三分  
歸來燕子空饒舌 髣髴羞看韶華虛擲鶯梭柳線  
將愁織多情強着舊春衫酒痕銷盡啼痕濕

蔣元龍

字乾九秀水人乾隆三十六年副榜有桃花亭詞一卷

憶江南

敬堂舊有樓冷一燈紅句訖未成詩予心賞有年因補成是闕使敬堂見之當不笑爲黃九慣竊也

深院靜簾外雨濛濛夢到江城人悄悄酸雞啼斷五更  
風樓冷一燈紅

鳳凰臺上憶吹簫

題王生秋隱月底修簫譜圖

月影窺簾花香透幙杜郎慣自傷春任蠟灰和淚剪斷  
黃昏多少情絲恨縷吟不盡粉印脂痕人何許紅闌咫尺  
一朶巫雲真真酒懷惱亂聽纖指參差譜出櫻唇  
笑千卿何事翠鎖眉顰也爲淒淒切切愁煞了紈扇羅  
裯從今後沙家嫩兒記着銷魂

舊院中以沙嫩簫爲第一

高文照

字潤中號東井武康人  
乾隆三十九年舉人

百字令

贈蔣春雨汪秋白

三年彈指怪風流雲散別懷如雨橋李亭邊重見面依  
舊雁賓鴻旅問訊林塘故人無恙添得新詞句相思前  
度月明千里同處回首瘴霧漫天蠻禽格磔啼斷重  
重樹判取離魂消絕域誰道還聯伴侶潭水情波蓬蒿  
舊徑偕隱倘相許烟蓑雨笠五湖料理家具

吳蘭庭

字晉石歸安人乾隆三十九年舉人

百字令

題三泖漁莊圖

菰蘆滿眼便恍然置我斜陽水國蟹舍漁莊人語外寫  
出離根寒碧斷雁拖烟峭颿吹雨中有滄浪笛沙頭鷗  
鷺舊游多少相識乍是海上珊瑚千絲網取去作金



門客圓柳橫雲來夢裡更向籌邊飛檄麟閣功名馬行  
燈火重理東山展神仙平地尊鱸須緩相憶

汪如藻

字彥秀水人乾隆四十年進士官德州糧道

陌上花

弔蝶

芳菲識蚤南園飛徧夢魂無據恣意憐香去去竟忘歸  
路一春常在花間活無計與花同住爲霜紈戲撲五銖  
衣損者番難舞  
羨羅浮洞裏餐英嚼蕊歲月藤蘿終  
古一點芳心猶在杏梢紅處不成又是莊生幻清影翩  
翩誰侶算傷情舊日蜂媒重覓半堆香土

國朝詞綜卷四十三

青浦王昶纂

魏之琇 六首

宋維藩 九首

程名世 一首

王曙 二首

余夢易 一首

熊鉦 一首

汪紹 二首

楊源 一首

林克鈺 一首

吳展成 一首

唐宏 三首

章炯 一首

王陳梁 一首

張璉 一首

魏之琇

字玉橫錢塘人有  
柳州樂府一卷

江玉屏云柳州詞筆平正不失爲雅音宋人  
中絕似陳西麓

臺城路 雲溪自湖墅移居東郊

綠陰門巷人稀到新來忽開生面帶露移花和烟種竹  
次第安排琴薦霜豪雪練別寫个東園小堂清宴芳草  
沿城晚涼吟望踏應遍 湖山嘗恨寂寞要生花采筆  
時與渲染白石風梳清松洒落又向如今重見輕舸似  
燕儘十里沙河翠瀾橫剪肯約持竿釣絲閒共卷

又

十年曾醉揚州月深情杜郎能賦子夜徵歌前溪喚舞  
曲誤當筵嘗顧披雲撥霧夢想作蒹葭會依瓊樹江北

江南與君相見恨遲暮  
冥鴻初別柳苑向西泠古墅  
遙集還翫睥睨迎秋轆轤破曉人在小窗敲句杉籬槿  
戶更點綴詩家十分幽趣載酒來尋莫驚溪上鷺

疎影

柳影

烟梳霧沐正曉波似鏡低映蛾綠早是東風搖蕩晴光  
柔情那更拘束扶將舞態閒庭裏忽暗度雕闌深曲想  
夢雲月底尋來恰臥翠裯芳褥  
嘗憶章臺舊路個人  
攀折了魂斷難續多謝流鶯重擲金梭織就輕陰如幄  
斜陽不管春深淺鎮淡掃愁痕千斛看暝鴉疎點銀塘  
共蘸一池清渌

又秋柳

星垂露滴正畫樓悄悄翠蛾凝立悵望西風無限離情  
誰人日暮吹笛黃深綠淺長亭路記玉手柔條曾折却  
陌頭風景依依不似送行時節流水飛鴉數點向殘  
照欲盡捎動寒碧早是秋光不管銷魂付與疎烟涼月  
鶯嬌燕婉人何在更賸有晚蟬幽咽問今時青眼迴波  
要待玉梅消息

惜餘春慢

三月二十二日泛湖用周清真韵

滯雨銷春微陰閣曉風片謝伊吹斷鶯藏淺綠蝶趁殘  
紅還約舞裙歌扇嘗約西冷露蘭寒盡迴汀仍抽餘箭

正晴虹臥彩翠瀾不動畫橈天遠  
早是白紵新裁青  
鞋乍試恰稱嫩嵐輕染題門小院畫壁旗亭前事水流  
雲變回首烟波有人獨自憑闌爲誰嬌倩笑雙眸老去  
猶著紅情一點

買陂塘

蘋花

蘸橫塘翠痕零亂吹香時泛波面烟光淡宕搖天影數  
葉弄涼蔥蒨垂柳軟看白鷺褰裊雪頂絲同罨澄江如  
練更小簸荷錢長牽荇帶一碧共流轉  
翩翩處會記  
虹橋水殿輕圓斜約金鈿蕭寥坐覺添秋思還襲舞裙  
歌扇人未遠悵日暮汀洲柳惺詩情倦青蒲自馳恁目

極江南幽芳誰采惟有浪花濺

宋維藩

字瑞屏歸安人貢生有漁游詞一卷

錦堂春慢

弋陽舟次

料峭寒風吹來晚雨絲絲裊動烟霏却蒲帆幾幅惹破  
低迷穀水碧依苔岸柳痕綠上蓑衣前路人家何處蘭  
槳清波渡口船歸 我亦元真舊侶記桃花流水鷺白  
魚肥但鞭絲帽影荒盡鉏犁十載萍蹤憔悴春風閑煞  
雙棲今早鷗波亭畔幾個黃鶯啼過簾西

蝶戀花

客裏尋春真莫據雨雨風風暗把流年度牛背夕陽紅

欲暮烟波橫上垂楊渡 沉芷湘蘅成嬾賦燕子飛來  
又道春將去省事天工渾不顧草痕不沒愁來路

### 探春慢

深院闌門竹西小徑春風先到窗罅水際烟寒墻腰月  
淡別有橫枝低亞猶記年時事是侵曉曉粧纔罷吹香  
同倚闌干忍寒消受清暇 一自萍漂梗泛問此日樹  
闌蒂蕾多寡連枝雪暗一痕紅袖還否添香燈下只有  
尋春夢會到了當時亭榭料得西牕重簾靜掩深夜

八歸

東坡云歲云暮矣風雪淒然時于此中得少  
佳趣別家既一年適吟白石道人自石湖回  
苕溪諸詩悵然賦此



寶鴻嘹唳霜風淒緊簾外暗雨漸歇一尊擁鼻微吟後  
猛又乍斷還連打窗聲切燭焰寒消紅一寸報小苑疎  
香剛折便乞與呵凍重吟人境兩清絕長是會少離  
多而今重省又到年時時節帷屏押處水仙幾朶香影  
傍人明滅但迢遙萬里翠被生寒夢相覓漏聲轉此間  
除是墻角梅花知余情味別

鬲溪梅令

戊子燈節前一日有寄

催花天氣暮寒滋雨絲絲正是東風着意做春時吹黃  
楊柳枝竹扉半掩畫簾垂酒重持記得年時燈月影  
參差黃昏雙燭遲

渡江雲

花朝前一日

人家如畫裏漁舟雨雨楊柳弄春陰輕舸風乍轉六幅  
蒲帆點破曙江深烟中一髮問遙山何處青青但贏得  
波平天遠迢遞送歸心侵尋厭厭永晝漠漠輕寒嘆  
孤蹤誰省便引滿芳尊待勸誰伴清吟江鄉又是花朝  
候道花開短髮難簪歸去好啼鶯正滿前林

邁陂塘

題王述庵先生三泖漁莊圖

水雲重澄空一碧柴門開傍紅樹三間小屋橫如艇占  
斷魚苗無數閒喚渡更穩載笭筍乘興尋漁侶泖濶歇  
浦儘搓霧接烟蓴香鱸脆淺醉豆花雨綸竿在別後

幾番寒暑生綃染出幽趣軟紅十丈長安地潑眼湖光  
如許天也妬恁吟藥燒蓮還狎閒鷗鷺還心漫與算千  
騎東方金魚牙笏那許便拋去

臺城路

蟬

午餘一枕游仙夢幾番被伊驚醒園柳陰深庭槐影合  
只在最高枝頂柴門晝永漸吟侶參差悠颺不定何許  
哀音一絲裊得遠烟暝聲聲只喚遮了伴余緣不淺  
幽意曾省候館斜陽馬頭疎雨約畧年年秋信壯懷消  
盡便有日彈冠貂茸並映鏡裡流年清霜凋鬢影

桂枝香

題畫蟹便面

漁莊雨雨正傍水  
閒田稻黃時候猶記柴門語  
沸草泥聲驟西風不瘦無腸客  
一分秋一分肥透緯蕭截處籌  
燈微颺青筐如繡漫道是新詩  
吟就看束縛寒蒲尖團到手却  
稱橙香薑嫩霜螯試剖江鄉風  
味經年別詫含黃盈盈懷袖甚  
時歸去蓴鱸烟雨共傾杯酒

程名世

字筠榭  
江都人

疎影

同人坐雨

瀟瀟鎮日看倒傾  
練影一線懸壁勝侶情深著屐  
來破我虛堂幽寂  
閒階嬾課奚童  
埽任到處苔青  
莎碧倚曲闌清  
話纏綿剪燭不辭  
今夕最好風流  
俊賞十年

重握手殊慰胸臆正好夷猶花外尊前灑落春風詞筆  
漫教又挂征帆去便冷卻揚州吟席怕晚風吹散千絲  
兩地月明同憶

王

曙字東田江陰人諸生

木蘭花慢白門秋柳

聽寒蟬一樹青溪外暮潮收記花落板橋春深南院烟  
鎖紅樓風流幾番回首便亂鴉啼斷六朝秋衰艸西風  
邀笛阿誰寶馬重游 眉頭不似舊溫柔老去見應羞  
更龍江夜雨石城曉月送盡蘭舟須留舊時燕子共烏  
衣古巷夕陽愁何處重逢桃葉澹煙凝雨芳洲

醉蓬萊 金陵懷古

弔青山多少金粉風流總歸何處衰艸茫茫盡南朝邱  
墓白下城邊華林園裏有夕陽來去俛仰人間花開花  
落便成今古 七夕針拋景陽鐘斷六代繁華西風禾  
黍一帶寒蟬是臺城舊路爲問當年飛飛燕子更夢誰  
朱戶如此江山傷心小庾江南詞賦

余夢易

字硯南  
歙縣人

一萼紅

初春雪後梅花始放坐雲木相參橫有懷  
梅泚吳江

掩柴門有橫斜幾樹冷壓半庭雲熨帛長空鋪銀小逕  
行吟翻斷離魂想近日四橋歸客伴花前孤鶴守清貧

淡月房櫳嫩寒天氣牕外疑君應是水邊林下向尋  
詩驢背浣盡征塵酒約寒香燈移瘦影相思最是黃昏  
算消息江南較早也不須遙寄一枝春只恐抽帆時候  
雪點苔茵

熊

鉉

字藕生桐城人諸生

邁陂塘

題三泖漁莊圖

訝生綃雨皺烟染三間秋水圍住湖光塢影相依處襯  
出重重雲樹來問渡算脫却朝衫便是漁樵侶細林黃  
浦判獨坐垂綸露濃風小吟斷棟花雨橫雲畔幾載  
放春逃暑閒中領畧幽趣十年舊事渾如夢髣髴清波

如許還自語對畫裏溪山儘可盟鷗鷺功名付與笑  
事差強長安米貴明日便歸去

汪

昭原名景龍字綉青嘉定  
人貢生有碧雲詞一卷

留春令

柳花飄絮桃花零雨梨花鋪靄纔向樽前望花開又落  
盡青苔院 可惜春光人未占付嬌鶯姪燕算縱有明  
年再開時怎挽得今年轉

阮郎歸

無風陰雨細如絲落花能戀枝畫樓春色暗霏微一雙  
小燕飛 閉春慢靜支頤憑闌送落暉多愁原不是相



思此情知爲誰

楊

源

字雲耕江南華亭人有曼園詩餘一卷

殢人嬌

垂絲海棠和竹垞韻

細朶低垂柔絲半綰較桃李漫山開晚翠袖翻香脂膚  
逗暖似花影穿簾雲髻微亂雨滴初勻啼痕不斷正  
鳳子雙飛尋慣月底延嬌夜深洗殘記銀燭紅粧恨  
同看

林克鈺

字式如金山人諸生有南邨詞

滿庭芳

簾

薄月窺春微風移影沉沉十二層樓蝦鬚搖漾幾摺痕

紋浮垂處半遮人面玲瓏隙一點波流年時事道書慵  
把倚枕看梳頭綠窗雙燕語小鬟喚未鎮壓瓊鈎裊  
鑪煙細篆千縷還留應怕斜陽飛絮重重護不放花愁  
新涼候低分銀蒜水榭更宜秋

吳展成

字慶成嘉興人  
諸生有學潔詞

買陂塘書齋憶舊巢燕子

記年時呢喃燕語拂簷曾弄雙影片根銜得香泥軟飛  
上柳梢花頂還自審傍藻井雕梁箇裏棲香穩掠波嬌  
俊慣紅縷斜拖繡簾雙捲歸去夕陽暝那堪是片雲  
西風淒緊飄然旋動歸興重尋恐誤閑庭榭欲去烏衣

愁整應自省笑一樣依人生計還無定畫闌誰凭歎蛛網交垂蝦鬚深掩夢斷海天冷

唐

宏

字章莖南瀝人  
諸生有酸高詞

清平樂

春烟

綠波浮動柳色昏於夢斷水連山春懵懂護月籠花影重  
長隄還障新晴林閤暗鎖流鶯勾引輕陰薄霧沉  
沉過了清明

青玉案

六更乍息牕將曉欹角枕聽啼鳥欲起還眠天尙早詩  
邊催恨恨邊催雨雨裏春花老連天一片青青草越

山吳水錦書杳薄暮迴廊千徧繞淚邊成夢夢邊成病  
病裏燈花小

摸魚兒

金華府署聞雁

透窗紗尖風淡月迢迢寒夜情緒霜天忽遞飛鴻響又  
送一番淒楚愁故土恁歲歲飢驅歷遍關山路誰堪訴  
與任汾水埋香彬陽斷影嘹唳向南去官舍冷不異  
蓼灘荻浦離羣誰念孤侶啼烟嘯雨同山鬼夢想鶯歌  
燕語傾耳處似話我天涯歲晚思家苦他時記取待繡  
閣雙棲金猊共熨重理竹山句

章

洞

字酌亭  
續溪人

壽樓春

縈春晴纏綿是風中戲蝶花外啼鴉底事晴江無盡暮  
雲無邊凝望際空生憐溯舊游依依經年漸別夢頻增  
歸期倦數芳月幾圓 唯招隱休逃禪算拋將麗景  
分付閑眠又到江離生後海棠開前飛絮亂游絲牽料  
玉人羞爭春妍趁雙鯉乘潮臨風悵然題錦箋

王陳梁

字次辰青浦人諸生

燭影搖紅

白題秋夜較書圖

露白庭堦夜涼芸館牙籤潤鳳韉聯步捧雲函排列供  
參訂亥豕沿訛細認費推敲丹鉛點定綺寮幽寂四壁

蛩喧半簾梧印 花甲餘三眼光那比當年俊一編校  
罷手摩挲偏自饒清興應被小鬟暗哂怎頻催蕊煤重  
整翠鈿珠裊紅袖香添頓忘華鬢

張

璉

字器之嘉定人貢生  
有梅泉稟一卷詞附

轉應曲

明月明月彈指幾圓圓缺江南江北相思萬里征人路  
歧歧路歧路那角夢魂飛去